

Održana generalna skupština EuroGeographics-a za 2021. godinu

19.05.2021 13:24



Redovna generalna skupština EuroGeographics-a je održana 17. i 18.05.2021. godine putem elektroničkih

komunikacionih kanala. Učestvovalo je preko 70 delegata iz više od 50 agencija iz različitih Evropskih država, a ispred Federalne uprave za geodetske i imovinsko-pravne poslove su učestvovali direktor gosp. Željko Obradović i pomoćnik direktora u Sektoru za upravljanje projektima iz programa javnih investicija gosp. Denis Tabučić.

Ovakva alternativna metoda komunikacije i okupljanja je ipak omogućila članovima uvid u finansijske račune udruženja i saznanja o mrežama razmjene znanja koju EuroGeographics vodi i razvija za različite cjeline poslovanja. Razgovaralo se i o poslovanju geodetskih uprava pod uticajem pandemije Covid-19 te o tekućim i planiranim projektima Eurogeographicsa.

Tokom ovogodišnje skupštine članovi udruženja odlučivali su o narednom tačkama, a glasovanje neophodno za formalno poslovanje je također izvršeno putem elektroničkih kanala komunikacije.

1. Izvješće upravnog odbora Generalnoj skupštini
2. Odobrenje godišnjih računa za 2020. godinu i razrješenje administratora
3. Odobrenje revidiranog budžeta za 2021. godinu
4. Odobrenje pretplata za članstvo 2022.-2026.
5. Izbor članova upravnog odbora

Obzirom da je naredna redovna godišnja skupština sa učešćem generalnih direktora svih agencija planirana za održavanje tokom 5. mjeseca 2022. godine u Sarajevu, Bosna i Hercegovina, direktor uprave je tokom formalnog dijela skupštine održao i prezentaciju vezanu za organizaciju ovog događaja.